



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e-mail: info@voda.ba

Broj: **UP-1/21-1-40-629-5/24**

Datum: **07.01.2025. godine**

„Agencija za vodno područje rijeke Save“ Sarajevo rješavajući po zahtjevu pravnog lica Općina Olovo za izdavanje rješenja o prethodnoj vodnoj saglasnosti za realizaciju projekta na izgradnji vodozahvata vrela „Topla voda“, lokalitet Solun, na zemljištu označenom kao k.č. broj 651 K.O. Solun I, na osnovu člana 139. stav (1) tačka 1. Zakona o vodama („Službene novine Federacije BiH“, broj 70/06) i člana 218. stav (2) Zakona o upravnom postupku („Službene novine Federacije BiH“, broj 2/98, 48/99 i 61/22), donosi:

ZAKLJUČAK

1. Odbacuje se zahtjev pravnog lica, Općina Olovo za izdavanje rješenja o prethodnoj vodnoj saglasnosti za realizaciju projekta na izgradnji vodozahvata vrela „Topla voda“, lokalitet Solun, na zemljištu označenom kao k.č. broj 651 K.O. Solun I, kao neosnovan.
2. Ovaj Zaključak ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, odlukama, uredbama i dr.
3. Ukoliko tokom korištenja objekta dođe do promjene namjene istog, a pri čemu će dolaziti do zahvata vode u količini iznad 10 l/s ili produkcije i ispuštanja tehnoloških otpadnih voda u površinske vode ili okoliš, korisnik objekta dužan je da pribavi vodne akte od nadležnog organa.

Obrazloženje

Pravno lice Općina Olovo, dana 12.12.2024. godine, podnijela je zahtjev za izdavanje rješenja o prethodnoj vodnoj saglasnosti za realizaciju projekta na izgradnji vodozahvata vrela „Topla voda“, lokalitet Solun, na zemljištu označenom kao k.č. broj 651 K.O. Solun I. U provedenom postupku, uz zahtjev za izdavanje prethodne vodne saglasnosti, dostavljena je i pregledana slijedeća dokumentacija:

- Uvjerenje o registraciji poreznog obveznika od 06.04.2023. godine izdato od strane Kantonalnog poreznog ureda u Zenici – ovjerena kopija,
- Zemljišnoknjižni izvadak Katastarska općina Solun I, broj:22524/24 Zemljišnoknjižni uložak broj:126 izdat od strane Općinskog suda u Visokom - ovjerena kopija,
- Kopija katastarskog plana, Ur broj:04-26-11-1354/2024-4 od 14.11.2024. godine izdata od strane Službe za ekonomske poslove općine Olovo - ovjerena kopija,
- Izvod iz katastarsko-knjižnog uložka broj 126, Katastarska općina Solun I, broj:04-26-11-1354/24-2 od 14.11.2024. godine izdat od strane Službe za ekonomske poslove općine Olovo - ovjerena kopija,
- Saglasnost, broj:04-19-1-2031-1/24 od 20.11.2024. godine izdata od strane ŠIP Stupčanica d.d. Olovo (U STEČAJU) – ovjerena kopija,
- Uvjerenje, broj:04-19-1-2031-4/24 od 09.12.2024. godine izdato od strane Službe za ekonomske poslove općine Olovo - ovjerena kopija,
- Studija za dobivanje prethodne vodne saglasnosti za vodozahvat vrela „Topla voda“ u naselju Solun, Općina Olovo, urađena od strane Institut za hidrotehniku d.d. Sarajevo, novembar 2024. godine,
- Elaborat o rezultatima istražnih radova provedenih na vrelu „Topla voda“ lociranom na području naselja Solun, Općina Olovo urađen od strane Institut za hidrotehniku d.d. Sarajevo, septembar 2022. godine,
- Dokaz o uplaćenju federalnoj upravnoj pristojbi na zahtjev.

Nakon izvršenog uvida u dostavljeni zahtjev i priloženu dokumentaciju, utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica o ovoj upravnoj stvari.

Zahtjev je u skladu sa odredbama člana 124. stav (1) Zakona o vodama i člana 21. Pravilnika o sadržaju, obliku, uslovima i načinu izdavanja i čuvanja vodnih akata („Sl. novine FBiH“ broj: 31/15, 55/19, 41/20, 63/22), bio oglašen dana 18.12.2024. godine, na oglasnoj ploči Agencije i u dnevnom listu „Oslobođenje“. U postupku oglašavanja nije bilo pisanih izjašnjenja, niti izjašnjenja datih usmeno na zapisnik kod nadležnog organa.

Uvidom u dostavljenu dokumentaciju utvrđeno je slijedeće:

- Lokalitet na kome se nalazi vrelo „Topla voda“, koje se planira koristiti za punjenje bazena za plivanje (rekreaciju), praktično se nalazi u neposrednom zaobalju rijeke Krivaje.
- Radi se o hipotermalnoj vodi koju lokalno stanovništvo dugi niz godina koristi za kupanje. Vrelo „Topla voda“ je djelomično kaptirano od strane lokalnog stanovništva tj. izgrađen je mali bazen zidani kameno-betonskim zidom dimenzija cca 2x2 m i dubine cca 1m.
- U Zaključnim razmatranjima - Elaborata o rezultatima istražnih radova provedenih na vrelu „Topla voda“ lociranom na području naselja Solun, Općina Olovo koji je urađen od strane Instituta za hidrotehniku d.d. Sarajevo, septembar 2022. godine, konstatovano je da srednji godišnji protok vrela Topla voda Q_{sr} se kreće od 6,73 do 8,81 l/s a minimalni godišnji protok se kreće u dijapazonu od 3,19 do 3,48 l/s.
- Obzirom da je pravno lice Općina Olovo podnijela zahtjev za izdavanje rješenja o prethodnoj vodnoj saglasnosti za zahvatanje vode sa izvorišta „Topla voda“ a u svrhu punjenja bazena za plivanje (rekreaciju), to je utvrđeno da u skladu sa članom 139. stav (1) tačka 1. Zakona o vodama („Službene novine Federacije BiH“, broj 70/06) Agencija nije nadležna za izdavanje Rješenja o prethodnoj vodnoj saglasnosti.
- Obzirom da je utvrđeno da nema aktivnosti definiranih odredbama člana 139. stav (1) tačka 1. Zakona o vodama za koje je obavezno pribavljanje vodnih akata od strane ove Agencije u skladu sa članom 218. Zakona o upravnom postupku, riješeno je kao u dispozitivu ovoga Zaključka.
- Podnosilac zahtjeva je uplatio upravnu taksu od 80,0 KM u skladu sa članom 7. stav 1. tarifni broj 43. Zakona o federalnim upravnim taksama („Službene novine Federacije BiH“, broj 6/98, 8/00, 45/10 i 45/13). Podnosilac zahtjeva je izvršio uplatu po Zaključku broj: UP-1/21-1-40-629-4/24 od 06.01.2025. godine.

Uputa o pravnom lijeku:

Protiv ovog Zaključka može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Zaključka.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: mr.sc. Selma Merdan, dipl.inž.geol.

Po ovlaštenju
Rukovodilac sektora za izdavanje vodnih akata



Nihad Pezo, dipl.inž.građ.

Dostaviti:

- Općina Olovo, Branilaca Olova b.b., 71340 Olovo,
- ⊙ AVP Sava, ISV-vodna knjiga
- Sektor 40 – arhiva
- oglasna ploča - AVP Sava